

摘藻堂四庫全書薈要

集部

欽定四庫全書薈要卷一萬八千三百十九

集部

御選宋詩卷十二

五言古詩三

王安石

彎碕

殘暑安可逃  
彎碕北窻北  
伐翳作清曠  
培芳衛岑寂  
投衣挂青枝  
敷簟取一息  
涼風過碧水  
俯見遊魚食  
永懷少陵詩  
菱葉淨如拭  
誰當共新甘  
紫角方可摘

示寶覺

宿雨轉歆煩朝雲擁清迴蕭蕭碧柳軟脈脈紅蕖靚  
卧如有懷荒乘豈無興幽人適過我共取牆陰徑

獨卧有懷

午鳩鳴春陰獨卧林壑靜微雲過一雨浙瀝生晚聽紅  
綠紛在眼流芳與時競有懷無與言佇立鍾山暝

上南岡

暮塢屋荒涼寒陂水清淺捐書息微倦委轡隨小蹇偶

攀黃黃柳却望青青巘幽尋復有興未覺西林晚

次韻舍弟江上

岸紅歸欲稠渚綠合猶晚晴沙上屐輕暖水隨帆遠吹  
波戲魚動掠葉飛禽返著意覓幽蹊桃花誤劉阮

諸葛武侯

漢日落西南中原一星黃羣盜伺昏黑聯翻各飛揚武  
侯當此時卧龍猶摧藏掉頭梁父吟羞與衆爭光邂逅  
得所從幅巾起南陽崎嶇巴漢間屢以弱攻強暉暉若

長庚孤出照一方勢欲起六龍東迴出扶桑惜哉淪中  
路怨者為悲傷豎子祖餘策猶能走強梁

寄曾子固二首

巖巖中天閣藹藹層雲樹為子望江南蔽虧無行路平  
生湖海士心跡非無素老矣不自知低回如自誤傷懷  
西風起心與河漢注哀鴻相隨飛去我終不顧

崔嵬天門山江水繞其下寒渠已膠舟欲住豈無馬時  
恩繆拘綴私養難乞假低回適為此含憂何時寫吾能

好諒直世或非詭詐安得有一廛相隨問耕者

送鄭叔熊歸閩

鄭子喜論兵魁然萬人敵常持一尺箠跨馬河南北方  
今邊利害口手能講畫疑師穀城翁方略已自得天兵  
卷甲老壯士不肉食低回向詩書文字銳鐫刻科名又  
齟齬棄置非人力黃塵彫鬪裘逆旅同偪仄秋風吹殘  
浪霰雪已驚客浩歌隨東舟別我無慘惻閩生今好遊  
往往老妻息南陔子所慕天命豈終塞

寄二弟時往臨川

蕭條冬風高吹我冠上霜我行歲已寒悲汝道路長持  
以犬馬心千里不得將使汝身百憂辛苦冒川梁青燈  
照詩書仰屋涕數行不有親戚思誰知遠遊傷

鳳凰山

驅馬信所適落日照九州青山滿天地何往為吾丘貧  
賤身祇辱富貴道足羞涉世諒如此惜哉去無由

西風

少年不知秋喜聞西風生老大多感傷畏此蟋蟀鳴況  
乃捨親友抱病還獨行中夜卧不周惻惻感我情起視  
天正黑弱雲亂縱橫似有霰雪飄不復星斗明時節忽  
如此重令壯心驚諒無同憂人樽酒安可傾

送李宣叔倅漳州

閩山到漳窮地與南越錯山川鬱霧毒瘴癘春冬作荒  
茅篁竹間蔽虧有城郭居人特鮮少市井宜蕭索野花  
開無時蠻酒持可酌窮年不用客誰與分杯杓朝廷多



賢俊磊砢充臺閣君能喜節行文藝又該博超然萬里  
去識者為不樂予聞君子居自可救民瘼苟能禦外物  
得地無美惡似聞最南方北客今勿藥林麓換風氣獸  
蛇凋毒蟲如漳猶近州氣冷又銷鏢珍足海物味甚厚  
不為薄章舉馬甲柱固已輕羊酪蕉黃荔子丹又勝楂  
梨酢逢衣比多士往往在丘壑從容與笑語豈不慰寂  
寞太守好觴詠嘉賓應在幕想即有新詩流傳至京洛

送裴如晦宰吳江

震澤與天杳，旁臨無限情。他時散髮處，最愛垂虹亭。飄  
然生平游，捨我戴吳星。欲往獨不得，都門看揚舲。到縣  
問疾苦，為子求所經。當知耕牧地，往往交蒲青。三江斷  
其二，泮水何由寧。微子好古者，此歌尚誰聽。

韓持國從富并州辟

韓侯冰玉人，不可塵土雜。官雖衆俊後，名字久訇磕。并  
州天下望，撫士威愛愜。千金棄不惜，賓客常滿閣。遙聞  
餘風高，為子置一榻。親交西門餞，百馬驕雜還。子材宜

用世談者為嗚咽矧今名主人氣力足呵欲推賢為時  
輔勢若朽易拉會當薦還朝立子在閭闔惜哉秣騏驥  
賦以升龠合咨予栖栖者氣象已摧塌他年佐方州說  
將尚不納況于聲勢尊豈易取酬答有如持寸莛未足  
感鞢鞞顧于山水間意願多所合匡廬與韶石少小已  
嘗躡風游會稽春雪宿天柱臘淮湖江海上慣食蝦蟹  
蛤西南窮岷嶓東北盡濟滌身雖未嘗歷魂夢已稠沓  
荆溪最所愛映燭多廟塔溪果點丹漆溪花團繡菴扁

舟信所過行不廢尊榼一從捨之去雪霜行滿頷思之  
不能寐感若蝨蚋嗜方將築其濱畢景謝鳴嗜安能孤  
此意顛倒就哀颺唯予余所向嗜好比鷓鴣何時歸相  
過游履尚可蠟

晨興望南山

晨興望南山不見南山根草樹露巔頂樛枝空復繁銅  
瓶取井水已至尚餘溫天風一吹拂的皜成璵璠

黃菊有至性

團團城上日秋至少光輝積陰欲滔天況乃草木微黃  
菊有至性孤芳犯羣威采采霜露間亦足慰朝饑

飯祈澤寺

駕言東南遊午飯投僧館山白梅榮長林黃柳芽短苓  
箸沙際來略約桑間斷春映一川明雪消千壑漫魚隨  
竹影浮鳥誤人聲散玩物豈能留干時吾自嬾

小崑山懷古

玉人生此山山亦傳此名崖風興穴木清越有餘聲悲

哉世所珍一出受歌傾不知鶴與猿栖息尚全生

送子思兄叅惠州軍

云云曲江水天借九秋色樓臺飛半空秀氣盤韶石載  
酒填里閭吹花換朝夕笙簫震河漢錦繡爛冠幘地靈  
瘴癘絕人物傾南極先朝有名臣卧理訟隨息稍稍延  
諸生談笑與賓客子來適妙年謁入交履烏寂寥九齡  
後此獨望一國虞翻禮丁汜韓愈俟趙德孤岸鎮頽波  
俗流未易識我方文葆中旋逐旌旗績去思今豈忘耳

目熟遺跡吏含殷勤言俛仰問乖隔當時府中兒侵尋  
鬢邊白下帷雖著書不救饑寒迫謂宜門闌士官路久  
烜赫奈何猶差池更捧丞掾檄驥摧千里蹄鵬墮九霄  
翻人生無巧愚天運有通塞試觀馳騁人意氣宇宙窄  
榮華去路塵謗辱與山積優游祿仕間較計誰得失送  
君強成歌陟岵翻感激

同杜使君飲城南

山公游何處白馬鳴翩翩檀欒十畝碧五月浮寒烟留

客聽其間風吹江海懸山罅不見日竹外空青天焚蠟  
助月出酒光發金船狂客惜不去醉翁舞迴旋何必吹  
簫人玉枝自嬋娟歸路借紅燭兩星低馬前

白紵山

白紵衆山頂江湖所縈帶浮雲掩晴明可見九州外肩  
輿上寒空置酒故人會林巒張錦繡草木吹竽籟登臨  
信地險俯仰知天大留歡薄日晚起視飛鳥背殘年苦  
局束往事嗟摧壞歌舞不可求桓公井空在



泊舟姑蘇

朝遊盤門外暮出閶門西  
四顧茫無人但見白日低  
荒林帶昏煙上有歸鳥啼  
物皆得所託而我無安栖

崑山慧聚寺次孟郊韻

僧蹊蟠青蒼莓苔上秋牀  
露翰饑更清風蕩遠亦香  
埽石出古色洗松納空光  
久游不忍還迫近冠蓋場

韓維

別後作

朔風吹驚鴻行列失後先蒼蒼雪壓船齒齒冰著岸離  
馬聲正悲別臉淚猶泣却望攜手處危檣映林見

覽梅聖俞詩編

夙昔誦佳句跂予慕高風何意憂艱餘邂逅此相逢君  
初應府辟捧檄來自東引車窮簷下眷然顧微躬姿表  
穆以秀純德信內充乃知文章作中與性情通煌煌新  
詩章垂光照昏蒙啓櫝挹荆璞引筵撞景鐘高篇屢云  
闕遠思殊未終譬如巧琴師哀蟬發絲桐中有冲淡意

要以心志窮顧惟昧者聽莫辨徵與官安得牙曠手提  
耳發其聰

送孔先生還山

先生樂道者于世淡無欲高風自絕人正行不違俗竭  
來城闕遊不受塵事觸日久望林壑駕言反幽築家臨  
潼水陽路轉春山曲東風吹百花紅紫滿巖谷蠶桑事  
未起農里得徵逐社酒濁易求山蔬晴可斲幽尋月吐  
嶺高卧日照屋應念塵中人胡為自羈跼

鋤園

上天浩無私衆草同一榮青青十步間薰臭相雜并卉  
藥數不多十百其品名蔓者善緣附結陰在高薨修竹  
雖自立已復困纏縈其餘叢與株蕪沒不自呈陰蟲穴  
其下日夜百種鳴紛然亂耳目我意初不平朝鋤忽以  
靜暮雨且復生自念疲病者莫與地力爭盛衰固物理  
安用勞我形

送謝師直歸馬上作

送客西郭門適與佳賓遇雜花被原野南盡遠目注撲  
撲亂朱粉濛濛疑白霧林下風正柔繁香不飛去日長  
人意閒歸騎款不遽陶然行且歇良愜靜者素却念陌  
上人春愁紛如絮

游城南雙塔院

軻峨郭南門臺殿壓長路青林四面合飛鳥不得度房  
掩僧獨禪庭喧鴉正哺高蘿走蒼柏丹花下垂布中園  
饒佳果結子滿朝露久從城邑居樂與清境遇坐聽百

禽響日晏不忍去微雨西北來颯爽動林莽歸鞅一回  
首孤利屹當午終期濯涼風杖策縱高步

同陳太丞游龍興寺經藏院

空堂灑寒水碧楸涼漠漠高眠得珍簟委棄巾與屨薰  
風穆然來殿角鳴金鐸清香有時聞幽鳥無聲落論詩  
愛平淡語道造冲冥非吾方外友誰當共茲樂

和晏相公湖上遇雨

公堂日多暇薄暮遊清池孤雲從西來若與飛蓋期急

雨亂荷芰紅綠左右披沙禽帶濕起簇簇守前坻煙樹  
晦空曲蟬聲寂無遺殘炎一洗濯霽景開林西禽飛還  
清波蟬噪復故枝晚槿揚朱華秋草含碧滋篙舟出堤  
去微風滿平漪卷幔極悵望正見隗與箕舉酒無塵情  
慨然起遐思永懷古先訓默蹈通介宜乃知賢哲心所  
得非遊嬉

同曼叔遊高陽山

久聞高陽勝近在汝州側跂予三年望我願今卒獲煙

雲函兩山臺殿開半壁解鞍高林下仰視快登陟蒼松  
盤老枝矯矯入簷隙微風韻其上落耳寒惻惻杞杞兩  
高樹中國所未識葉間青實駢大與蜀土敵我來暮春  
後花鳥已狼籍不見躑躅紅西巖向人碧出門步榛薈  
微徑不可索援蘿下幽澗剝蘚題蒼石鳥啼無定音虎  
鬪有遺跡石臺平挺挺野竹瘦歷歷主人尉下邑奔走  
困符檄喜我蕭散人幽竒共搜剔息陰時一憩貪勝還  
自力歸時山氣冷草露濕游屐舉手謝峰巒高秋復來



觀

同曼叔游菩提寺

高城如破崖寺帶喬木古禪房掩清晝佛畫剝寒雨荒  
池野蔓合濁水佳蓮吐蕭條聯騎游淡漠對僧語秋風  
日夕好勝事從此數

滄城

駸駸二三騎南並橫山去山窮遠川出始見滄陽樹荒  
城蘿蒿合表裏無寸土但聞烏啼聲不見烏啼處呼兒

開棘扉掃榻坐茅廡清泉給盥濯涼風生仰俯濁膠稍  
似佳山果來近圃始酌薰然和中飲淡無慮案頭伏羲  
經編絕幾見補先生發其微大義談四五紛攘自諸家  
簡易獨太古形骸非我有冠帶尚誰取道存固非外兩  
致默與語是時春季望山月夕已吐清光出深竹葉上  
露如雨寒侵毛骨生思有煙霞舉却念人世間紛紛何  
足數

晚過象之葆光亭步月

浮沈閭里間放志謝維繫行貪月色靜歸犯霜華濕寒  
鼓出城重飛星過樓急却想竹亭下主人猶獨立

曉出郊過方秀才舍飲

浮雲散朝陰初日動晴煦行隨風葉遠去傍田家路人  
閒無遽色馬緩有安步遙識主人舍青帘出霜樹

南溪

長林拂雲根一徑絕城腹荆扉帶翠樾斗下地愈束清  
溪自南來勢抵北崖曲清平水流漫東去入脩竹境幽

百物遂魚鳥得所欲況依仁者居不與鈎彈觸有時佳  
賓至相與娛聽矚鳥飛鳴我旁魚泳出深淥薄暮登前  
岡四顧山在目雨滋春稼繁風動野花馥達人樂天性  
不待外物足遂令茲地勝久不事營築顧我指崖下秋  
當結茅屋渠波環古臺輦石坐幽隩霜前復來觀兔肥  
山酒熟

答公懿以屢游薛園見詒

抱疴積閒縱世味頗能淡惟于山水娛自謂老不厭況

茲伊洛間久蓄游賞念幽扉樂隱竹小約度平塹解鞍  
庇清陰拂席見殘艷長溪自南流小閣忽東瞰游人坐  
兀兀鳴鳥來泛泛蟹潛石穴幽魚泳柳根暗川童成羣  
嬉林女有孤覘醉觴豈留行吟筆靡停占臨歎興何長  
遵事迹猶暫伊予志巖壑偶官祿石甌要須三逕足歸  
迹便可斂買林接婆娑鑿澗分潏灑田廬常閉門野艇  
時放纜聊書平生懷特為異時念

范純仁

累約舍弟純禮以執事未至

落葉猶同飛寒鳥猶並枝我汝獨何負不得長相隨偶  
為細累拘跬步成天涯後日更遠適會合倍難期尚願  
家國寧且作千日離悠悠百年間幾別顏即哀從官非  
我志功名徒自欺雖言千寸祿坐使手足違逐末背本  
心得一萬已遺爾我粗有識此事良同悲安得長沙田  
清水稻百畦將汝入故廬親戚坐成圍幼弟就文史長  
兄近砭醫孝謹奉諸宗祭祀潔四時此外逐風月對酌

白酒卮畢生為善人不負生育慈斯志尚未遂終為路  
旁啗

會師宰

憶昨相逢際風喧洛城春芳菲供愁眼衣袂偕京塵艱  
難各有適會合寧逡巡君歸來何時我約赴無因自此  
還相望渴臆生埃塵晚歲留故丘山川寂無鄰落日送  
樵牧蒼烟起荆榛季弟自城至開顏慰天倫遽言長者  
車相過止來晨茲遇出意表侯迎屢冠中寒途馬厯厯

幽扉犬狺狺野夫競走報似喜得嘉賓空堂揖顏色和  
氣相氲氲開尊共燈燭笑語何諄諄朝游禹門寺暮歷  
清伊濱危龕儼金像遠波舒翠鱗石樓最清絕就宿同  
稠茵灘聲夜逾急天然謝韶鈞閒談盡物理至樂還天  
真人生足羈束此會猶難頻所期道義心白首長相親

游渙川石橋

英山富泉石翠巖映清漣近可杖屨及寂無市井喧良  
辰惜虛過幽尋忍空還幸接鴻雁序愧在驂騑前滿徑



盡嵐靄徧野皆蘭荃洗耳慕頽曲散髮非伊川芳意動  
宿楚暖脉通流泉遙原發何所積流浩成淵斷岸矗蒼  
壁澄瀛印晴天人稀石有約邨遠漁無筌初開臘甕酒  
乍減春衣綿風光入雩詠暄和臨禁煙柔莎當茵席輕  
漪泛觥船天日正清潤水雲共澄鮮靈苗恣采擷古跡  
皆窮研高會屏紛雜野具無葷羶繁英落如糝幽禽語  
如絃嫩香小杏肥深碧新荷圓游儵忽上下戲蝶時翩  
翾芳樹蔭坐釣平石醒醉眠共得真隱趣勿為豪華傳

滿目是圖畫在處皆潺湲春風拂歸袂暮景生吟鞭恨  
不見山月月曉山南邊

君實南園飲罷留宿二首

閒從長者車名園宴初闋嘉賓薄暮散歸鞍帶明月珠  
玉良有德芝蘭香不絕夜久卧北窻魂夢亦清潔

繁花錦鬪鮮好鳥歌無闕逍遙涉其間豈獨娛歲月修  
竹色常佳清流不絕客散掩幽扉圓蟾正明潔

祖無擇

游真陽石室

昔讀到難篇乃聞真陽室亦嘗怪斯人稱道或浮實邈  
在數千里莫覲烟霞質青山有獨往吾志久矣必如何  
駢俗駕尚此紆朝紱謬分南顧憂惟刑在欽恤孤宦雖  
云遠勝踐其敢失行行訪雲巖草木披蒙密呀然一穴  
開勢欲吞朝日嵐光屏障展乳溜龍蛇屈溪流自清泚  
松韻何蕭瑟酌酒飲游客謂言此可述周生誠不誣所  
紀窮纖悉惜哉非吾土無由寄蓬華平生丘壑心與道

共湮鬱難進而易退終當守儒術

唐周夔作到難篇謂此祠離長安遠故到

者難也

### 馮山

#### 春意

賞花不須折一折春思闌飲酒不必醉一醉無餘歡相  
知共清賞所屬聊孤彈朝繁坐臨池暮惜行繞欄醒醉  
無異趣開落同一觀鄰花隔牆悲憔悴枝葉單鄰翁貪  
醕酖疾起春向殘但知芳菲意常作悠久看

豐都觀

橫江聳孤峰陟巘訪山徑修廊轉空曲古殿冠絕頂漢  
柏撫骨立唐碑獨孤挺高踞自軒豁遐追若俄頃長生  
盡室來避世或箕頽逍遙奚所適奚事傳緹嶺樂巖已  
無竈烟雲但枯井風前凡幾過物外初一省清風誰與  
游高步踟躕難騁

利州漕宇八景 錄二首

桐軒

幽軒處清奧前有雙桐起婆娑勢初合修聳意未已葉  
分竹巖露根漬石沼水秋深動素琴曉影覆齋几主人  
相對樂性情洞物理純音藏未兆孤榦植不倚安得千  
仞禽來哉共棲止

寶峰寺

益昌萬山間寶峰秀惟獨使臺俯山下氣象互盤覆鬱  
勃尚南走回環已西屬古城削千仞危棧轉幾曲錦繡  
紛上嶺琅玕翠搖腹亭榭何參差遠覽意尚局絕頂躋

寶峰超然脫羈束城市纔唾落二江可手掬重關固天  
險大道不停轍古意劇滿眼人事傷轉足主人始經構  
高蹈非絕俗幽懷卷雲霧長嘯動巖谷鳥雀爭脫林冥  
冥有鳴鵠寸步異出處虛心見榮辱屈將經濟才分繼  
騷雅躅語默固可傳誰為寶峯錄

西縣道中

漢水引我行梁山邀我坐山水已清絕春容碧相和下  
馬取酒飲梅飄酒中墮日落醉不去青茸草間卧

答江安尉鮮于頃野翁

寶峯首相聚錦屏袂一判音容阻良覲歲月嗟易換我  
官潼江曲君尉瀘水岸到處逢酒徒無人作詩伴南風  
灑襟袖佳句適我願汶蜀幾萬里信息偶中斷三軒風  
雅會蕭條各分散孤吟少儔侶衆喙易嘲噴念君同所  
嗜路近聲可喚唱酬實相眷牽率豈辭憚疊疊郊籍心  
無為簿書亂

苦寒寄任瀘州汲師中



巖飈肅林莽暖日沈煙扉游子事行邁慘澹凌霜威斂  
策倦修阻迹往心自違層雲眺孤鴻徊翔鳴無依雍容  
念儔侶欲息州渚非此地正苦寒盤身西南飛

城南

散雪郊外風含晴霧中日江流淺可度潺湲弄幽石長  
堤塵未動游子念遠適行止慎厥初輪蹄有遺跡

送蒲安行誠之秘丞興州僉判

春郊散輕靄日出車馬動看君曉裝發送客尊酒重衆

人別良易我別情靡共飛纓轉山曲返頸卽成夢雖夢  
去奈何不夢存者多一言起相顧慷慨成笑歌清吟散  
泉石醉墨蟠雲蘿人生苦汲汲浩如長江波江波西南  
流君行方北轉林深足豺虎路廢空亭郵處常山中居  
出亦山中游不嗟吾道窮每為斯民憂憂民竟何為從  
事猶俛眉晚達十六七萬事懸難知但窮聖賢意莫賦  
離騷辭有得常寄我以慰朝夕思

題范亦顏聖鄰同年集後

聖鄰生西南豪傑如山東個儻負奇節脫身起蒿蓬文

章學西漢不作雕篆工東京太學士議論傾羣公高適

游大梁馬周隱新豐酒酣吐素蜺意氣橫烟空翻身落

州縣束手如兒童無人解秋隼摩天看飛冲黃鵠垂兩

翅飲啄雞鶩籠始知命使然甘作冥冥終資陽數尺墳

萬事隨秋風相從嘉祐初擊發每兒蒙死生雖云異坎

軻略已同然猶有子弄孤芳秀珍叢慷慨悲父書收拾

塵土中蘭山四首玉佩清玲瓏餘文隱圭璧夜氣如

長虹古人身後名乃是不世功蜀士去不朽存者唯卿  
雄有子兼斯名昔否今始通聊書附篇末相與傳無窮

沈括

海州觀放鵲搏兔不中而飛去

秋霜濯空林暮日在峰頂冥冥起長風稍稍絕遺影  
禽值猛搏俯取不待頃豈非求者乖矯翮成速騁未能  
謝榛莽那用遽悻悻此心竟可憐得失未宜病

沈遘

王景彝省舍孤竹

濯濯青玉竿，矯矯孤雲姿。潛根失其託，憔悴非故時。主人幸加憐，曷不徙所宜。歲寒風霜節，無愧君子知。

和劉原甫陽春宜白雪

陽春宜白雪，良時宜少年。試攀瓊樹枝，芳意已覺妍。梅花初厭多，楊花乍疑早。園林光氣生，衆物競鮮好。一春都幾日，行樂遽勿遲。何辭踏泥出，猶當秉燭歸。少年自應然，老大寧復爾。豈不感物華，尚能強醇醴。

出都

十年中都官未審去官闕一朝使萬里驛騎催早發  
徘徊景陽道瞻望未央闈高城接浮雲佳氣正蟠鬱我馬  
何遲遲中情屢如失王事戒靡盬臣心敢他卹曷月還  
歸哉歸哉幸可必

次韻和不疑借書鄰幾遇其寢

嗟哉江湖人野性實疎簡况從衰病侵事事益以懶  
豈不思自強所思乃有限但愛江夫子平生事高散維于

讀書勤晝夜不去眼每勞從事賢獨使簿書綰揮署曾  
不勞兼人信無報有時倦欲休就席初不煖鄰友更借  
書丁丁叩門版尤厭吏舍喧牛羊閑棚棧不如歸吾廬  
靜對日晚晚詩成還示我足以驚幽孱

沈遼

春霖

春霖漫不已楊柳一何哀江國多晏寒微暘來亦遲豈  
不念向榮惜逐秋風悲植物固如此勞生何可為誰將

區中境遙與青松期勿勿從古然滯念良可遺

甲辰年五月十五日夜澧陽觀月

少年悵不樂明月何為哉揚眉一遐賞寂寂更傷懷念  
昔吾州樂泛舟湖上來佳賓適所好歡計成金壘妖歌  
有送響度曲清且哀留連夕陽下夜色起山隈光明水  
晶域素彩中天開龍香弄微風四顧絕塵埃澄波照上  
下倒影出瑤臺紅燭漸向微始知夜漏催美人屢更衣  
含笑玉山墮歡樂殊未央鼓柷中州迴人生無憂患遇



樂且銜杯悵予失交臂萬里來天涯羈愁那無感情慮  
長如灰神游忽自笑安知顧形骸

古興十六首

錄六首

朝亦看躑山暮亦看躑山芳華春樹外古澹白雲間絕  
頂有池水昔年棲玉顏妙靈想不駐緬慕何由攀

春草日已枯山中少人跡草間秋蛩鳴遙知歲寒逼人  
生何可恃金丹須努力流景終不回永歎尚何益

天外青青山重雲忽蒙翳青山終不移明目未可睨秋

風方慘慄冥雨何時霽不見希夷翁欲學窮年睡  
夜半山氣冷始知秋序深開軒望明月西嶺莽泔泔人  
籟久已息繁然蟪蛄吟緬懷故丘鶴清唳有餘音

遙與白雲期豈憚冰雪侵人情與物象邂逅愜幽心夜  
漏漸已長清風入松林逍遙掩蓬戶微涼生衣襟

前日春已歸殘花尚赤白秋來初未霜園林亦早索桃  
實久已空黃柑手可摘惟有半折松青青獨如昔

暑雨二首

暑濕卧南窻將夕暴雨作綠樹暗濛濛流泉鳴鑿鑿  
突苟幸足心靜本無樂夜半長風號江流應更惡

委蛇白水來恍若煙中素始驚孤渚失已轉前山去清  
光照白壁悍勢衝雲樹吾欲掉輕舟正畏驚湍怒

王令

春游

春風誰相呼鳥語到庭戶罷書起何游繫馬城西樹寧  
須客衆隨聊與春相遇高林美風竹踈影有清覆可以

便行坐解脫快中屨日長天地寬翻戾飛雲度風枝綠  
未柔日萼紅先露芳辰信可尚嘉興惜無寓舊聞黃公  
壚頗枉壯士顧予雖輕數子自適偶同趣起解身上衣  
就貫青旗酤獨酌不待勸興至還自注對物無所語似  
若喧譁惡雖無歌舞歡幸可篇章賦乾坤本閒暇人物  
自紛遽勞生曷不樂歲月失已屢酒闌起四望落日不  
可駐饑馬自知家何須問歸路

旅次寄寶覺衲師

小雨破宿暑曉風忽焉道山深樹翳陰蝸蟄應已秋清  
坐想高絕語言誰應酬豈不念一往抱病終自留羈旅  
少往還有來或非傳命僕一謝之縱我冠屨休移牀上  
高堂解書散牀頭於此有佳興念世誰與謀獨思山林  
人茲意可綢繆何當買田廬共遂丘壑遊

文同

曉入東谷

振纓効王官釋耒去鄉縣十年始還此景物覺盡變東

谷素所愛乍到若創見煙雲引晨策數里入蔥蒨明霞  
照溪石花草露初泣長松盤高岡竦竦擢秀榦垂陰雜  
羣木上欲接霄漢柔蘿互鈎鎖攬地走荒蔓修篁揭其  
間萬个挺若箭登臨愴舊歷眺聽悅新玩讀書破茅廬  
徑狹已漂斷惟餘舍南水尚吐石竇濺潺潺落危壑滾  
滾引飛練臨流濯塵襟照影實覲面功名竟何所旅跡  
轉孤賤引手謝猿鶴深慙爾驚怨

貧居

繩牀擁敝裯初起髮未櫛南窻展書卷就煖讀寒日門  
前絕車馬薄暮垂片席短牆挂織蔓幽鳥啄紅實羣蝸  
惡積雨繚繞篆空壁男兒處貧賤舉首宇宙窄翩翩槍  
榆鳩宛轉匿絮蟲妻孥競相笑憔悴守文筆

邨居

日影滿松窻雲開雨初止晴林梨棗熟曉巷兒童喜牛  
羊深澗下鳧雁寒塘裏田父酒新成餅甃饋鄰里

新晴山月

高松漏踈月落影如畫地徘徊愛其下夜久不能寐怯  
風池荷卷病雨山果墜誰伴予苦吟滿林啼絡緯

宿田家

日落雲四起牛羊下高原今夜宿何處孤煙生遠邨寥  
寥巖狖響擾擾林鴉喧危坐欲終夕此意將誰論

步月

掩卷下中庭月色浩如水秋氣涼滿襟松陰密鋪地百  
蟲催夜去一鴈領寒起靜念忘世紛誰同此佳味



子駿運使八詠堂錄二首

柏軒

沈沈敞幽軒聳聳列寒柏清音納窻戶爽氣逼几席主人重端勁坐若對佳客時復下撫摩破蘚交履跡此意乃如是來者當愛惜大厦須良材相期早千尺

竹軒

此景絕可愛叢筠挺修竿侵簾復映幌翠影何檀欒霜威忌晚秀雨氣矜晴寒每向極靜時幽禽發清彈自無

車馬塵飛來泊琅玕宜遣老鈴下日日申平安

俞汝尚

題三角亭

奇哉山中人來此池上宇蕙徑斜映帶林煙盡吞吐春  
無四面花夜欠一簷雨寄傲足有餘何須存廣廡

蘇軾

予昔過嶺而南題詩龍泉鐘上今復過而北次

前韻

秋風卷黃落朝雨洗綠淨人貪歸路好節近中原正下  
嶺獨徐行艱嶮未敢憑遙知叔孫子已致魯諸生

端午遍游諸寺得禪字

肩輿任所適遇勝輒流連焚香引幽步酌茗開淨筵微  
雨止還作小窗幽更妍盆山不見日草木自蒼然忽登  
最高塔眼界窮大千卞峰照城郭震澤浮雲天深沈既  
可喜曠蕩亦所便幽尋未云畢墟落生晚煙歸來記所  
歷耿耿清不眠道人亦未寢孤燈同夜禪

午窗坐睡

蒲團盤兩膝竹几閣雙肘此間道路熟徑到無何有身  
心兩不見息息安且久睡蛇本亦無何用鉤與手神凝  
疑夜禪體適劇卯酒我生有定數祿盡空餘壽枯楊不  
飛花膏澤回衰朽謂我此為覺物至了不受謂我今方  
夢此心初不垢非夢亦非覺請問希夷叟

宿臨安淨土寺

雞鳴發餘杭到寺已亭午參禪固未暇飽食良先務平

生睡不足急掃清風宇閉門羣動息香篆起煙縷覺來  
烹石泉紫筍發輕乳晚涼沐浴罷衰髮稀可數浩歌出  
門去暮色入邨塢微月半隱山圓荷淨瀉露相攜石橋  
上夜與故人語明朝入山房石鏡炯當路昔照熊虎姿  
今為猿鳥顧廢興何足弔萬世一仰俯

自淨土寺步至功臣寺

落日岸葛巾晚風吹羽扇松間野步穩竹外飛橋轉神  
功鑿橫嶺巖石得巨片直渡千人溝下有微流泣岡巒

蔚回合金碧爛明絢緬懷異姓王負擔此鄉縣長逢跨  
下辱屢乞桑間飯誰知山石頑識此希世彥凜然英氣  
逼屹起猶聳戰他年萬騎歸父老恣歡宴錦繡被原野  
金珠散貧賤寶融既入朝吳芮空記面榮華坐銷歇閱  
世如郵傳惟有長明燈依然照深殿

送芝上人遊廬山

二年閱三州我老不自惜團團如磨牛步步踏陳迹豈  
知世外人長與魚鳥逸老芝如雲月炯炯時一出比年

三見之常若有所適逝將走廬阜計闕道逾密我生如  
寄耳出處誰能必江南千萬峰何處訪子室

宿望湖樓再和

新月如佳人出海初弄色娟娟到湖上潏潏搖空碧夜  
涼人未寢山靜聞響屐騷人故多感悲秋更慘慄君胡  
不相就朱墨紛黜赤我行得所嗜十日忘家宅但恨無  
友生詩病莫訶詰君來試吟詠定作鶴頭側改罷心愈  
疑滿紙蛟蛇黑

焦千之求惠山泉詩

茲山定空中乳水滿其腹遇隙則發見臭味實一族淺  
深各有值方圓隨所蓄或為雲洶湧或作綠斷續或鳴  
空洞中雜佩間琴筑或流蒼石縫宛轉龍鸞威鉗罌走  
千里真偽半相瀆貴人高宴罷醉眼亂紅綠赤泥開方  
印紫餅截圓玉傾甌共歎賞竊語笑僮僕豈如泉上僧  
盥灑自挹掬故人憐我病翁籠寄新馥欠伸北窻下晝  
睡美方熟精品厭凡泉願子致一斛



秋懷二首

苦熱念西風常恐來無時及茲遂淒凜又作徂年悲蟋蟀鳴我牀黃葉投我幃窻前有棲鵬夜嘯如狐狸露冷梧葉脫孤眠無安枝熠燿亦有偶高屋飛相追定知無幾見迫此清霜期物化逝不留我興為嗟咨便當勤秉燭為樂戒暮遲

海風東南來吹盡三日雨空階有餘滴似與幽人語念我平生歡寂寞守環堵壺漿慰作勞裹飯救寒苦今年

秋應熟過從飽雞黍嗟我獨何求  
萬里涉江浦居貧豈無食自不安  
猷猷念此坐達旦殘燈翳復吐

梵天寺見僧守詮小詩清遠可愛次韻

但聞煙外鐘不見煙中寺幽人行未已  
草露濕芒屨惟應山頭月夜夜照來去

湖上夜歸

我飲不盡器半酣味尤長籃輿湖上歸  
春風吹面涼行到孤山西夜色已蒼蒼  
清吟雜夢寐得句旋已忘尚記

梨花邨依依聞暗香入城定何時賓客半在亡睡眼忽  
驚矍繁燈鬧河塘市人拍手笑狀如失林麋始悟山野  
姿異趣難自彊人生安為樂吾策殊未良

新城陳氏園次晁補之韻

荒涼廢圃秋寂歷幽花晚山城已窮僻況與城相遠我  
來亦何事徙倚望雲巘不見苦吟人清尊為誰滿

西齋

西齋深且明中有六尺牀病夫朝睡足危坐覺日長昏

昏既非醉踽踽亦非狂褰衣竹風下穆然中微涼起行  
西園中草木含幽香榴花開一枝柔棗沃以光鳴鳩得  
美蔭困立志飛翔黃鳥亦自喜新音變圓吭杖藜觀物  
化亦以觀我生萬物各得時我生日皇皇

懷西湖寄鼂美叔同年

西湖天下景游者無愚賢淺深隨所得誰能識其全嗟  
我本狂直早為世所捐獨專山水樂付與寧非天三百  
六十寺幽尋遂窮年所至得其妙心知口難傳至今清

夜夢耳目餘芳鮮君持使者節風采爍雲煙清流與碧  
巘安肯為君妍胡不屏騎從暫借僧榻眠讀我壁間詩  
清涼洗煩煎策杖無道路直造意所便應逢古漁父葦  
間自蠶緣問道若有得買魚勿論錢

司馬君實獨樂圖

青山在屋上流水在屋下中有五畝園花竹秀而野花  
香襲杖履竹色侵瓊筍尊酒樂餘春碁局消長夏洛陽  
古多士風俗猶爾雅先生卧不出冠蓋傾洛社雖云與

衆樂中有獨樂者才全德不形所貴知我寡先生獨何  
事四海望陶冶兒童誦君實走卒知司馬持此欲安歸  
造物不我舍名聲逐吾輩此病天所赅撫掌笑先生年  
來效瘖啞

岐亭五首

錄一首

昨日雲陰重東風融雪汁遠林草木暗近舍煙火濕下  
有隱君子嘯歌方自得知我犯寒來呼酒意頗急拊掌  
動鄰里遶却捉鵝鴨房櫬鏘器聲蔬果照中幕久聞萋

蒿美初見新芽赤洗盞酌鵝黃磨刀削熊白須臾我竟  
醉坐睡落巾幘醒時夜向闌唧唧銅鉞泣黃州豈云遠  
但恐朋友缺我當安所主君亦無此客朝來坐菴中惟  
見峰巒集

新居

朝陽入北林竹樹散疎影短籬尋丈間寄我無窮境舊  
居纔一席逐客猶遭屏結茅得茲地翳翳邛巷永數朝  
風雨涼畦菊發新穎俯仰可卒歲何必謀二頃

和鮮于子駿鄆州新堂月夜二首

去歲游新堂春風雪消後池中半篙水池上千尺柳佳人如桃李胡蝶入衫袖山川今何許疆界已分宿歲月不可思駛若船放溜繁華真一夢寂寞兩榮朽惟有當時月依然照杯酒應憐船上人坐穩不知漏

明月入華池反照池上堂堂上隱几人心與水月涼風螢已無迹露草時有光起觀河漢流步屨響長廊名都信繁會千指調絲簧先生病不飲童子為燒香獨作五



字詩清絕如韋郎詩成月漸側皎皎兩相望

送頓起

客路相逢難為樂常不足臨行挽衫袖更賞折殘菊佳人亦何念淒斷陽關曲酒闌不忍去共接一寸燭留君終無窮歸駕不免促岱宗已在眼一往繼前躅天門四十里夜看扶桑浴回頭望彭城大海浮一粟故人在其下塵土相逐蹴惟有黃樓詩千古配淇澳

與王郎昆仲及兒子邁遠城觀荷花登峴山亭

晚入飛英寺分韻得月明星稀四首

昨夜雨驚渠曉來風襲月蕭然欲秋意溪水清可吸環  
城三十里處處皆佳絕蒲蓮浩如海時見舟一葉此間  
真避世青籊低白髮相逢欲相問已逐鷺鷥沒

清風定何物可愛不可名所至如君子草木有佳聲我  
行本無事孤舟任斜橫中流自偃仰適與風相迎舉杯  
屬浩渺樂此兩無情歸來兩溪澗雲水夜自明

苔水如漢水鱗鱗鴨頭青吳興勝襄陽萬瓦浮青冥我

非羊叔子媿此峴山亭悲傷意則同歲月如流星從我  
兩王子高鴻插修翎湛輩何足道當以德自銘

吏民憐我懶鬪訟日已稀能為無事飲可作不夜歸復  
尋飛英游盡此一寸暉撞鐘履聲集顛倒雲山衣我來  
無時節杖屨自推扉莫作使君看外似中已非

過建昌李野夫公擇故居

彭蠡東北源廬阜西南麓何人修水上種此一雙玉思  
之不可見破宅餘修竹四鄰戒莫犯十畝森似束我來

仲夏初解籜呈新綠幽鳥向我鳴野人留我宿徘徊不  
忍去微月挂喬木遙想他年歸解組中一幅對牀老兄  
弟夜雨鳴竹屋卧聽鄰寺鐘書窗有殘燭

廬山二勝

并引

余遊廬山南北得十五六奇勝殆不可勝紀而懶  
不作詩獨擇其尤佳者作二首

開先漱玉亭

高巖下赤日深谷來悲風劈開青玉峽飛出兩白龍亂

沫散霜雪古潭搖清空餘流滑無聲快瀉雙石礮我來  
不忍去月出飛橋東蕩蕩白銀闕沈沈水精宮願隨琴  
高生脚踏赤鱗公手持白芙蓉跳下清泠中

棲賢三峽橋

吾聞太山石積日穿綫溜況此百雷霆萬世與石鬪深  
行九地底險出三峽右長輸不盡谿欲滿無底竇跳波  
翻潛魚震響落飛狄清寒入山骨草木盡堅瘦空濛煙  
靄間瀕洞金石奏彎彎飛橋出澗澗半月殼玉淵神龍

近雨電亂晴晝垂  
餅得清甘可咽不可漱

王伯敷所藏趙昌花四首

梅花

南行渡關山沙水清  
練練行人已愁絕日暮集微霰  
殷勤小梅花彷彿吳姬面  
暗香隨我去回首驚千片至今  
開畫圖老眼淒欲泣幽懷不可  
寫歸夢君家倩

黃葵

弱質因夏永竒姿蘇曉涼  
低昂黃金杯照耀初日光  
檀

心自成暈翠葉森有芒古來寫生人妙絕誰似昌晨妝  
與午醉真態含陰陽君看此花枝中有風露香

芙蓉

清飈已拂林積水漸收潦溪邊野芙蓉花水相媚好坐  
看池蓮盡獨伴霜菊槁幽枝強一笑暮景迫推倒淒涼  
似貧女嫁晚驚衰早誰寫少年容樵人劔南老

山茶

蕭蕭南山松黃葉墮勁風誰憐兒女花散火冰雪中能

傳歲寒枝古來惟丘翁趙叟得其妙一洗膠粉空掌中  
調丹砂染此鶴頂紅何須誇落墨獨賞江南工

題楊次公春蘭

春蘭如美人不採羞自獻時聞風露香蓬艾深不見丹  
青寫真色欲補離騷傳對之如靈均冠佩不敢燕

袁公濟和劉景文登介亭詩復次韻答之

昏昏墮醉夢奈此六月溽君詩如清風吹我朝睡足登  
臨得佳句江白照湖淥袖手獨不言默稿已在腹是時



風雨過藹藹雲歸麓疎星帶微月金火爭見伏惜哉此  
清景變滅不可逐歸來讀君詩耿耿猶在目却思少年  
日聲價爭場屋文如翻水成賦作叉手速秋風起鴻鴈  
我亦繼華躅那知君蹭蹬獨泣荆山玉相見南新道青  
衫垂破幅早知事大繆恨不十年讀莫嫌馮唐老終勝  
賈誼哭今年復為僚舊好許重續升沈何足道等是蠻  
與觸共為湖山主出入窮澗谷衆馳君不爭人棄我所  
欲何時神武門相約挂冠服

僕所藏仇池石希代之寶也王晉卿以小詩借  
觀意在於奪不敢不借以此詩先之

海石來珠宮秀色如蛾綠坡陀尺寸間宛轉陵巒足連  
娟二華頂空洞三茅腹初疑仇池化又恐瀛洲感慙慙  
嶠南使餽向揚州救得之喜無寐與汝交不瀆盛以高  
麗盆藉以文登玉幽光先五夜冷氣壓三伏老人生如  
寄茅舍久未卜一夫幸可致千里常相逐風流貴公子  
竄謫武當谷見山應已厭何事奪所欲欲留嗟趙弱寧

許負秦曲傳觀慎勿許間道歸更速

碧落洞

槎牙亂峰合晃蕩絕壁橫遙知紫翠間古來仙釋并陽  
崖射朝日高處連玉京陰谷叩白月夢中游化城果然  
石門開中有銀河傾幽龕入窈窕別戶穿虛明泉流下  
珠琲乳湔交縵纓我行畏人知恐為仙者迎小語輒響  
答空山自雷驚策杖歸去來治具煩方平

峽山寺

天開清遠峽地轉凝碧灣我行無遲速攝衣步孱顏山  
僧本幽獨乞食況未還雲碓水自春松門風為闌石泉  
解娛客琴筑鳴空山佳人劔翁孫遊戲暫人間忽憶嘯  
雲侶賦詩留玉環林深不可見霧雨埋髻鬟

與程正輔游碧落洞

空山不難到絕境未易名何時謫仙人來作釣天聲胸  
中幾雲夢餘地多恢宏長庚與北斗錯落綴冠纓黃公  
獻紫芝赤松餽青精谿山久寂寞請續離騷經抱枝寒

蝸咽繞耳飛蚊清謫仙撫掌笑笑此羽皇銘我頃嘗獨  
游自適孤雲情君今又繼往霧雨愁青冥感君兄弟意  
尋羊問初平玉牀分箭鏃不忍獨長生詩成輒寄我妙  
絕陶謝并孤鴻方避弋老驥猶在坳鳥獸如可羣永寄  
槁木形何山不堪隱飲水自修齡

雨後行菜

夢回聞雨聲喜我菜甲長平明江路濕並岸飛兩槩天  
公真富有乳膏瀉黃壤霜根一番滋風葉漸俯仰未任

筐筥載已作杯盤想艱難生理窄一味敢專饗小摘飯  
山僧清安寄真賞芥藍如菌草脆美牙頰響白菘類羔  
豚冒土出躡掌誰能視火候小竈當自養

行瓊儋間肩輿坐睡夢中得句云千山動鱗甲  
萬谷酣笙鐘覺而遇清風急雨戲作此數句

四州環一島百洞蟠其中我行西北隅如度月半弓登  
高望中原但見積水空此生當安歸四顧真途窮眇觀  
大瀛海坐詠譚天翁區區魏中梁一米誰雌雄幽懷忽

破散永嘯來天風千山動鱗甲萬谷酣笙鐘安知非羣  
仙鈞天宴未終喜我歸有期舉酒屬青童急雨豈無意  
催詩走羣龍夢雲忽變色笑電亦改容應怪東坡老顏  
衰語徒工久矣此妙聲不聞蓬萊宮

藤州江下夜起對月贈邵道士

江月照我心江水洗我肝端如徑寸珠墮此白玉盤我  
心本如此月滿江不湍起舞者誰歟莫作三人看嶠南  
瘴癘地有此江月寒乃知天壤間何人不清安牀頭有

白酒盎若白露漙獨醉還獨醒夜氣清漫漫仍呼邵道士取琴月下彈相將乘一葉夜下蒼梧灘

雷州八首

錄一首

荔子無幾何黃柑遽如許遷臣不惜日恣意移寒暑層巢俯雲木信美非吾土芳草自有時鷓鴣何闕汝

寄傲軒

先生英妙年一掃千兔禿仕進固有餘不肯踐場屋通闕何所傲傲名非傲俗定知軒冕中享榮不償辱豈無



卷十二  
自安計得失猶轉轂先生獨揚揚憂患莫能瀆得如虎  
挾乙失若龜藏六茅簷聊寄寓俯仰亦自足東坡無邊  
春方寸盡藏蓄醉哦傍若無獨侑一尊醪牀頭車馬道  
殘月挂疎木朝客紛擾時先生睡方熟

牛口見月

掩窗寂已睡月脚垂孤光披衣起周覽飛露灑我裳山  
川同一色浩若涉大荒幽懷耿不寐四顧獨彷徨忽憶  
丙申年京師大雨滂蔡河中夜決橫浸國南方車馬無

復見紛紛操棧郎新秋忽已晴九陌尚汪洋龍津觀夜  
市燈火亦煌煌新月皎如晝疏星弄寒芒不知京國喧  
謂是江湖鄉今來牛口渚見月重淒涼却思舊游處滿  
陌沙塵黃

神女廟

大江從西來上有千仞山江山自環擁恢詭富神姦深  
淵鼉鼉橫巨壑蛇龍頑旌陽斬長蛟雷雨移蒼灣蜀守  
降老蹇至今帶連鑲縱橫若無主蕩逸侵人寰上帝降

瑤姬來處荆巫間，神仙豈在猛玉座。幽且閒，飄蕭駕風  
馭弭節朝天關。倏忽巡四方，不知道里艱。古牀具法服，  
邃殿羅烟鬟。百神自奔走，雜沓來趨班。雲興靈怪聚，雲  
散鬼神還。茫茫夜潭淨，皎皎秋月彎。還應搖玉佩來聽  
水潺潺。


御選宋詩卷十二

謹案卷十二第五頁前七行撫士威愛愜刊本土  
訛字據臨川集改

第八頁前六行肩輿上寒空刊本空訛谷據臨川  
集改

第二十二頁後八行豈不感物華刊本感訛敢今  
改





總校官庶吉士 臣侍 朝

校對官檢討 臣蕭九成

騰錄舉人 臣李 駟

欽定四庫全書薈要

集部

御選宋詩卷十三

四

詳校官原任主事

臣李斯咏



欽定四庫全書會要卷一萬八千三百二十

集部

御選宋詩卷十三

五言古詩四

蘇轍

夜泊牛口

行過石壁盡夜泊牛口渚野老三四家寒燈照疎樹見  
我各無言倚石但箕踞水寒雙脰長壞袴不蔽股日暮  
江上歸潛魚遠難捕稻飯不滿盂饑餓冷徹曙安知城





市歡守此田野趣祇應長凍饑寒暑不能苦

江上早起

晨興孤舟上盥濯夜氣清整巾未遑坐雙艣軋已鳴日出江霧散江上山從橫區區茅舍翁曉出霧氣腥收筒得大鯉愛惜不忍烹持之易斗粟朝飢厭魚羹蕭蕭遠風起泛泛野鴈驚忽過百餘里山水互變更逢舟問所如彼此不知名超超江湖間殊勝地上行旦游市井喧暮宿無人聲江上誠足樂無怪陶朱生

文與可學士墨君堂

虛堂竹叢間那復厭竹遠風庭響交夏月牖散凌亂尚  
恐晝掩關嬋娟不長見中堂開素壁蕭颯起霜幹隨宜  
賦生意落筆皆蔥蒨根莖雜土石枝葉互長短依依露  
下綠冉冉風中展開門視叢薄與此終何辨

和子瞻渦口遇風

長淮暮生風來自渦河口新舟雖云固波浪亦難受詩  
來話艱厄驚恐及兒婦憶同沂荆峽終夜愁石首餘颺

入幃幄跳沫濺窗牖平生未省見驚顧欲狂走邇來涉  
憂患漸覺成老醜遙喜波浪中時能飲醇酒

玉女窗

巖竇有虛明矐矐發晴曉真人無傳匹窗下晨妝早門  
開秋雨入室靜長風掃絕迹杳難尋朱顏未嘗老

次韻子瞻再遊徑山

我兄東南遊我亦夢中去徑山聞已熟往意穿雲霧夢  
經山前溪足冷忽先渡舉頭雲峯合到寺霜日暮香厨

饌巖菽野徑踏藤屨平生共遊處蹇足躡高步崎嶇每  
生胝眩晃屢回顧何年棄微官攜手衆山路

得此詩後  
夢與兄同

遊山中故  
為此篇

### 初入南山

自我來濟南經年未嘗出不知西城外有路通石壁初  
行澗谷淺漸遠峯巒積翠屏互舒卷耕耨隨畝側雲木  
散山阿逆旅時百室茲人謂川路此意屬行客久遊自  
多念忽誤向所歷嘉陵萬壑底棧道百迴屈崖巘遞崢

嶸征夫時出沒行李雖云艱幽邃亦已劇坐緣斗升米  
被此塵土厄何年道衰斜長嘯理輕策

和鮮于子駿益昌官舍八詠

桐軒

桐身青琅玕桐葉蒲葵扇落落出軒墀亭亭奉閒燕夜  
聲疎雨滴午影微風轉秋飈一凌亂浙瀝驚蔥蒨朝日  
失繁陰青苔覆遺片空使坐中人慨然嗟物變

竹軒

幽軒雜紛華，惟有一叢竹。織梢起餘寒，紫筍散輕馥。擢  
榦春雨餘，挺節秋霜足。不知歲時改，守此娟娟綠。上有  
吟風蟬，空腹未嘗食。剪伐非所辭，不受塵土辱。

柏軒

築室城市間，移柏南澗底。山林夙所尚，封植聊自寄。崎  
嶇脫巖石，擁塞出琴翳。上承清露滋，下受寒泉惠。秋來  
采霜葉，咀嚼有餘味。苦澀未須嫌，愈久甘如薺。

巽堂

山前三秦道車馬不遑息日出紅塵生不見青山色峰  
巒未嘗改往意自奔迫誰言幽堂居近在使者宅俯聽  
辨江聲却立睨石壁藤蘿自太古松竹列新植暑簟卧  
清風寒樽對佳客試問東行人誰能同此適

山齋

平地厭喧囂虛齋上山足蕭條遠城市坡陀富林麓簡  
書日填委杖屨每幽獨豈無山中士高卧白茅屋逢人  
默無語長嘯響巖谷此室庶可招夜月相從宿

閒燕亭

登山稍已高，曠望良亦遠。  
危亭在山腹，物景行自變。  
諸峰宿露收，草木朝陽絢。  
盍盍雲出山，溜溜泉垂坂。  
徐行得佳處，永日遂忘返。  
此樂只自知，傍人任嫌懶。

會景亭

亭高獨山下，勝勢不自收。  
岡巒向眼盡，風籟與耳謀。  
鳶飛半嶺息，雲起當空遊。  
視身如乘風，超然忘百憂。  
暮歸空中居，唯見窗戶幽。  
視聽隨物變，恍誰識其由。



寶峯亭

昔過益昌城暮登君子堂  
駕言念長道未暇升崇岡  
今聞寶峯上縹緲陵朝陽  
三休引蘿蔓一覽窮蒼茫  
微雲藹雙劍落日明故鄉  
奔馳迹未安山藪意自長  
漂搖萬里外手把新詩章  
宦遊不忘歸何異鳥欲翔  
塵土汙顏面年華侵鬢霜  
何時首歸路所至聊徬徨  
樽俎逢故人亭榭凝清光  
為我具斗酒宿恨猶可償

徐州送江少卿

夜雨泗河深曉日輕舟發帆開送客遠城轉高臺沒居  
人永瞻望歸意何倉卒公來初無事豐歲多牟麥鈴閣  
度清風芳樽對佳客登臨未云厭談笑方自適朝廷念  
薰老府寺虛清劇何以寄風流江山遶官宅

呂希道少卿松局圖

溪回山石間蒼松立四五水深不可涉上有橫橋渡溪  
外無居人磐石平可住縱橫遠山出隱見雲日暮不聞  
人世喧自得山中趣何人昔相遇圖畫入紈素塵埃依

古壁永日奉樽俎隱居畏人知好事竟相誤我來再三  
歎空有飛鴻慕逝將從之遊不惜爛樵斧

次韻轉運使鮮于侁新堂月夜

長愛陶先生閒居棄官後牀上卧看書門前自我柳低  
徊顧微綠畢竟誰挽袖索莫秋後蟬青熒曉天宿惟將  
不繫舟託此春江溜尺書慰窮獨秀句驚枯朽遙知新  
堂夜明月入杯酒千里共清光照我茅簷漏

子瞻惠雙刀

彭城一雙刀黃金錯刀鏢脊如雙引繩色如青琅玕開  
匣飛電落入手清霜寒引之置膝上凜然愁肺肝我哀  
氣力微覽鏡毛髮斑誓將斬鯨鯢靜此滄海瀾又欲戮  
犀兕永息行路難有志竟不從撫刀但長歎投刀淚如  
霰北斗空闌干歸來刈蓬蒿鋤田植芳蘭惜刀不忍用  
用亦非所便棄置塵土中坐使鋒刃利牀頭夜生光知  
有蛟龍蟠慚君贈我意時取一磨看

次韻子瞻人日獵城西

將賢士氣振令肅軍聲悄晨登戲馬臺一試胡騾裏城  
空巷無人里社轉相曉吾公庶無疾但恐園囿小荆榛  
一焚蕩雉兔皆驚矯翩翩白馬將手把青絲挑少小事  
邊徼斬刈輕荼蓼殿前賜鞍勒珂月明皎皎自言得所  
事強暴無不了廟筭本詩書下策禁焚燎當令百鍊剛  
甘就一指繞低回未嘗試坐被世人少秋霖一朝下凌  
厲見鷲鳥為君整驕惰重立穰苴表

答孔武仲

飛霜委中林不廢長松綠驚風振川野未省勁草伏我  
貧客去盡君來常不速愧君贈桃李永願報瓊玉我性  
本山林苦學筆空秃驂騑塞康莊病足顧難逐錦文銜  
華藻敝褐非所續家有五車書恨不十年讀濟南昔相  
遇我齒三十六談諧傾蓋間還往白首熟從君飲濁酒  
過我飯脫粟西湖多芙蓉白晝下鴻鵠城西野人居柴  
門擁脩竹後車載鴟夷下馬瀉醺醪醉眠卧荒草空洞  
笑便腹踈狂一如此豈望世收錄別來今幾何歸期已

屢卜西南有薄田茅舍清溪曲耕耘三男子伏臘當自足君能遠相尋布衣巾一幅

登南城有感示文務光王適秀才

幽憂隨秋至秋去憂未已城南試登望百草枯且死落葉投人懷驚鴻四面起所思不可見欲往將安至斯人定誰識顧有二三子清風皎冰玉滄浪自湔洗竊脂未嘗穀南箕尚微似網羅一張設投足遂無寄田深狡兔肥霜降鱸魚美造形悼前失式微慚往士憧憧畝丘道

歲晚嗟未止西山有茅屋鋤耰本吾事

遊金山寄揚州鮮于子駿從事邵光

揚州望金山隱隱大如幙竭來長江上孤高二千尺僧  
居厭山小面面貼蒼石虛樓三百間正壓江潮白清風  
斂霽霧曉日曜金碧直侵魚龍居似得鬼神役我行有  
程度欲去空自惜風吹渡江水山僧午方食波瀾洗我  
心筍蕨飽我腹平生足游行壯觀此云極鐵甕本誰安  
海門復誰植東南遞隱見遙與此山匹茲遊幾不遂深



愧幕府客歸時日已暮正值江月黑顧視天水并坐忘  
星斗濕使君何時罷登覽不可失

江州五詠

錄一首

浪井

江波浮陣雲岸壁立青鐵胡為井中泉湧浪時驚發水  
性本無定得止自澄澈誰為女媧手補此天地裂

葺居二首

南塘初一家隔絕歲月久開窗北風入爽氣通戶牖棟

梁未摧折斤斧聊結構非言事輪奐粗反昔人舊  
竹林失蕃養春筍日瑣細草蔓半縈纏樗櫟互虧蔽已  
令具刀鎌稍俟秋霜厲欲成林下飲更種東園地

許將

成都運司西園亭詩

飛閣出方池脩曲見空莽低臨花塢近平覺春波長返  
景澄餘暉夕陰帶浮爽從容觀魚樂不減遊濠上

孫覺

雜詩呈逢原

鴻鴈最知時未逃羅與網不能忘稻梁千里安得往鳴  
蜩腹空虛見啄因其響丹鳳穴九霄虞人常夢想

孔文仲

次韻錢穆父新涼可喜

霜飈結新寒草木起餘怨翩翩前庭葉追逐已千萬斜  
陽背西壁迤邐落藤蔓安得金滿堂聊換酒家券追隨  
雙鴻鵠擺脫舊籠圈胡為汗流赭日與蠅爭飯常恐計

不就更以詩屢勸江湖秋水高百尺風帆健何當開竹  
溪玉腕互酬獻左手持蟹螯平昔固有願

孔武仲

寄經父兄

我出亂山來兄入亂山去出山何必佳匹馬紅塵路入  
山勿辭勤崎嶇與天鄰天門西北去石眼行車輪落盡  
江南柳塞榆應如春去去何時歸天涯可寄衣天高鴻  
鴈遠無使音信稀

雨中

大雨已滂流，小雨仍霖霖。  
風來掃欲斷，雲送還相續。  
沈陰壓天宇，蒸潤侵旅服。  
隴上麥經秋，江南梅已熟。

晝息於林下

大暑涉長道，前山後山深。  
忽逢輪囷木，投得數畝陰。  
僕夫六七月，卧起且呻吟。  
念爾亦大勞，獨逸我何心。

留題覽秀亭

平生愛溇浦，亦復思匡廬。  
恨無謝公屐，日與佳景踈。  
茲

亭持曠快一覽已有餘驟雨過軒楹清風來綺疏因懷  
騎鯨客更欲凌空虛

落葉

落葉不到地隨風復飄揚凋殘北窗陰凌亂西日光時  
節如未已烏鳥情亦傷何事千丈松歲晚仍蒼蒼

戊辰雪

初臘趣亦佳窮冬雪還落晚風浙瀝響暮勢聯翩作餘  
寒逼觥筯遠景明池閣想像山陰人扁舟在寥廓

早起趁朝

山房客夢驚視聽兩清絕  
熏爐香寂寞半挂北窗月  
重城車馬動起坐視明發  
華蓋望宸居煙飛隔雙闕

渡江

扁舟凌朝陽匹馬渡江北  
志士豈懷居征夫樂行役  
東風吹高原生意密如織  
早晚謝塵鞍皇州正春色

孔平仲

初夏

初夏新雨餘蕭然風轉北芭蕉索索鳴庭戶有秋色清  
寒思挾纒向暑衫締綌陰陽孰主張變態只頃刻幽軒  
暮支頤佳趣生靜默雲氣薄南山坐令蒼煙隔

夜入監中

歌枕汗如洗出門更已深長風萬里至河漢清人心芙  
蕖有佳氣楊柳搖疎陰秋聲繁促織月色動棲禽落魄  
衣忘帶逍遙髮懶簪聽從涼冷入一快直千金

暇日至家園



仕宦我已知退休不如早九江園地勝萬个竹色好每  
到必裛回脩然寄懷抱於此築亭臺於彼植花草傍嶺  
更栽松引池將溉稻經營各有處何日室遂考薄田方  
待歲一雨洗枯槁指穀以易泉橐囊助傾倒茅茨若粗  
完世路迹可掃南山多白雲臨望娛我老

月夜

平生最好月況此秋夜闌長風送蕩漾浩露洗團團仰  
頭視虛空光采如可餐星辰斂芒角河漢收波瀾更無

微雲翳挂此白玉盤六合靜皎皎萬木涼珊珊為爾廢  
昏卧裏回更漏殘更登高處望歷歷見湖山爽氣集冰  
雪清心生羽翰便欲御冷然因之遊廣寒一臨天池水  
沐浴隨飛仙

九日獨登曹亭

重陽不見菊節物愈凋零性復不嗜飲對酒只如醒秋  
堂靜便卧既起思殊清登高未免俗亦不造林垆屋西  
連郡郭木末乃曹亭杖藜只獨往坐對南山青蕭瑟西

風高決澇滯雨晴斷雲見天色殘潦知地形遙峯落照  
斂別浦暝烟生歸鳥向邨急孤舟當渡橫此時有佳興  
乃惡聞人聲況令預尊俎而使聽箏笙嗟吾趣尚僻取  
笑世上英豈宜濫簪紱但可老柴荆

夜坐菴前

人定烏棲息菴前聊倚闌裴回明月上正在修篁端清  
影冰玉碎疎香環珮寒條然耳目靜覺此宇宙寬人生  
甘物役汨沒紅塵間晏坐得俄頃境幽心已閒諒能長

無事自可駐朱顏所以學道人類多隱深山

晚興

春雪弄微陰晚色連細雨  
阜角芽已長瑞香花欲吐  
雖寒亦料峭稍霽即和煦  
園林擬杖策芳物行可數

送謝仲規致仕

公年五十餘鬚鬢黑如漆  
朝廷方進用未是挂冠日  
又非力不任數以身自乞  
人疑徇虛名今也踐其實  
蕭然巢許姿真腐視冕紱  
東南富人材卿相近間出  
急流能

勇退千古未有一賢哉謝夫子趣尚真不屈騰裝嶺外  
遠歸棹江邊疾故鄉何日到清暑坐華室荔包雜紅紫  
茶品分甲乙歲時會親賓左右列圖帙回頭煙瘴地揮  
手風波窟天將勞以生乃獨取閒伏觀公眉宇秀凜凜  
有道骨當為地上仙不是籠中物我亦素有心賤貧嗟  
汨沒鴻鵠羽翼成高飛脫羅罽鷦鷯未有巢側目空自  
失短章健公決行且營蓬華

曹亭獨登

問我當何之曹亭蒼木外江湖水方漲曠闊吾所愛微  
風撼晚色爽氣回秋籟楊柳隱官堤芙蓉接公解白雲  
依山起點綴若圖繪何須招客遊清興自吾輩落日更  
憑闌下看飛鳥背

寒食郊外

泫泫雨沈城浩浩泥沒轍四山氣如蒸萬里天欲雪我  
時出郊坵山徑屢曲折雖懷顛沛憂亦有觀覽悅幽花  
媚林薄粲粲生意發紅紫相後先各自有時節長松困

冰雪顛顛終不屈及今翠天矯騰拔見筋骨陰陽有代  
謝物性安可奪請視大塊中紛紛盡毫末興衰若鱗次  
今古猶市閱只此晦與晴變態亦俄忽歸路日已曷披  
襟滌初熱

泛漣水

漣漪二十里清淡得我性微風不復搖天水相與淨秋  
容入崖柳晚色依漁艇髣髴會稽遊南湖似明鏡

日出

仲冬十一月我行赴高密路出東海上晨起駭初日騰  
騰若車輪只向平地出較於昔所見得此十之七蟾蜍  
尚弄影皎皎橫參畢輝光一迸散夜氣掃若失扶桑想  
可到俗慮苦難訖壯觀曾未厭側歎流景疾

出城

駐馬河之西送車皆已返郊原人漸少風物秋將晚身  
如獨鳥輕意與青山遠

天門山



惟天莽蒼蒼乃立此門闕山本如城垣剖鑿中斷裂兩  
峰競秀倚千古勢相戛大江方西來逼東不得洩渚為  
無底深散作萬頃闊想當割據時閉固孰敢發夕陽坐  
荒亭詩思摹峭拔清晨放舟出回首見呀豁西涼尚局  
促壯觀心頗缺安得呼化工努力更一握

冬夜

冬夜一何永幽房寂無侶青燈弄微風敗葉鳴疎雨淒  
清角聲動悲散穿雲去輾轉卧書帷羈愁欲誰語

米芾

題多景樓

欲雨氣不透庭梧有棲煙回首望北固雲藏淨名天呼  
童速具輿憑高覽山川隱見豈不好開霽景固全須臾  
江風流湛湛清露圓歸途知有伴華月上丹淵

賀鑄

閒情二首

青窗隱夕曛玉甃紫苔春佳人久不見翠被銷檀熏長

中拂綠綺上有三年塵聊彈別燕弄寄謝陽臺雲

秋風動珠箔流塵汗鴛綺念昔合歡人兩心今萬里冰  
霜變松竹況復如桃李欲寓相思文無多右軍紙

冠氏送武欽之安陽

黃金絡征轡之子待明發樽酒少遲留禪林見涼月歌  
鬟結蛾黛怨此佳期闊去去柳堤風青蟬催白髮

遊雲龍張氏山居

有序

雲龍山距彭城郭南三里郡人張天驥聖塗築亭

於西麓元豐初郡守眉山蘇公屢登燕於此亭下  
畜二鶴因以放鶴名亭復為之記亭下有小屋曰  
蘇齋壁間榜眉山所留二詩及畫大枯株亦公醉  
筆也壬戌秋余初至徐張惠然見臨繼相招為山

中遊

昔聞張逸民卜築雲龍山東望結遐想喜得彭城官一  
語定襟契宛如平生歡招攜屬休沐投此薜蘿間女僕  
候門巷青桂雙翠鬢蘇齋軒戶明餅火焚椒蘭寶墨鬼

神護清詩冰玉寒森然拱簷雷架石排琅玕東趨放鶴  
亭磴道披茅菅指顧百邨落炊煙林莽間日脚射平陸  
兩山如斷環淒風振晚葉坐怯衣裘單引領紫霄極飄  
颻如可干緬懷眉山公五馬來遊盤酣興走顛筆蒼崖  
卽鏡刊千年仲冬月雪野雲瀰漫掃石坐舒嘯惠泉烹  
鳳團當時詫盛集千古陋達安俛仰迹遂陳斯人久泥  
蟠我來後千日逸躡何由攀仰懷勝事往俯遵塵路還  
山英能不辱時款白雲關

秋懷二首

室邇人尚遠，況乎千里間。  
豈徒道路長，重水復重山。  
清霜老芳物，嘉樹不堪攀。  
欲寄隴頭信，春風殊未還。

蕭蕭庭木落，格格雞鳴惡。  
荒簷日影斜，饑貓捕黃雀。  
窗間養痾客，起念秋園樂。  
欲賦歸去來，西風老藜藿。

上巳後一日登快哉亭作

上巳信嘉辰，流觴傳舊俗。  
良遊悵不遂，吏局方有屬。  
東風吹曉雨，萬竅號林麓。  
疑有泊舟人，狂歌河女曲。  
逾朝

始澄霽物色如新沐城角趨危亭登臨慰幽獨紛華掃  
不見胡蝶飛平綠竚倚窮夕曛悠哉此心目

燭蛾

雙蛾來翩翩慕此堂上燭附炎竟何功自取焚如酷感  
彼萬動微保生在無欲不見青林蟬飲風聊自足

擬阮步兵夜中不能寐

夜久不成夢張燈開故書清霜屏雲物有月來庭除良  
時悵難再不與佳人俱掩卷長太息望子城之隅

遊雍丘燕溪分韻作

捨轡步平綠解衿俯清池微風度脩竹瑟瑟生淪漪梨  
華照晴影暖雪正紛披把酒久沈想况與玉人期

擬王少伯新興

西北雲悠悠東南日杲杲浪語問陰晴懸知行雨少桃  
蹊換清蔭夙昔一何好臨牖思茫然微風動萱草

東畿舟居阻雪懷寄二三知舊三首

舟路江淮永歲寒冰雪深戍期良敦迫王畿方滯淫疲



筋苦跼卧行樂長川陰雲物接平陸不見西飛禽風從  
城闕來如聞鐘漏音昕霽更東邁區區子牟心

寒洛未澌結東趨江海深舟人警朝鼓斂緯逗長林林  
端落滯雪沙際起鳴禽病客坐長歎攝衣涕流衿親朋  
自茲遠可是慕山陰興盡莫回楫何人知此心

泫泫晴川流冉冉浮雲陰天寒日云暮魚鳥方潛沈吾  
豈敢安隱東浮違宿心一官未足養老境行侵尋牛歌  
感白石馬骨要黃金慙無子虛作萬里懸知音

宿法惠寺

在歷陽西南九十里戊辰四月七日沿事至順天  
里越斗峴山冷泉澗薄晚投宿此寺寺三隅面山  
而豁其西北竹樹邃密如不與人境相接庭中有  
泉如輪清冽而甘跨山起小閣榜曰餘翠登望曠  
快因賦是詩題其上

驅馬起飛澗揚旌下回岡歛見層浮圖高風振琅璫重  
門壯且深老柏森然行佛子出延客投鞭步長廊中庭

汲新泉一飲生清涼孤坐興登覽危梯趨上方蕭蕭荒  
竹林簷外如環牆樵牧斷行徑龍蛇知所藏山禽喜暄  
暘嘯侶何琅琅子規特殷勤使人懷故鄉引領落西北  
暮色來蒼茫一官早見縻微尚久未償明發復東去斯  
遊良不忘

宿寶泉山慧日寺

日入不遑息驅車更之東回蹊出蒙密解袂迎長風  
從何許來歷歷江南鐘頓響阿蘭若虛庭月正中流螢

逗深竹白鳥巢青松華燈耿翠箔瑤花擢春叢絕境美  
清夜况非塵界逢惜無一樽酒幸與之子同明發即南  
北浮生兩飛蓬

曉度黃葉嶺東谷懷寄金陵王居士閒叟

陰谷不遇暑風松朝露零乳溪逗綠篠琴筑聲泠泠老  
石清金碧窅然沈列星酌此石上泉餌彼松下苓條欵  
振飛步豈徒制頽齡何須歷五嶽即蹈神人庭顧余方  
有役俗駕不敢停寄昔采真子來卜白雲扃

歷陽十詠 錄二首

采石磯

東西采石磯山水兩清絕  
漁舫與商舶今古幾沿越  
飄颻翰林主長笑弄明月  
難訪物外遊飛雲渺天末

桃花塢

種樹臨溪流開亭望城郭  
當年孟張輩載酒來行樂  
斯人久埃滅節物今猶昨  
看取不言華春風自相約

金山遊

輕舸放中泠岸遠春風壯檝師俯仰呼天水爭簸蕩吾  
方扣其舷聊賡小海唱稍回卽東麓側磴聯履杖危刹  
表層巔疲筋躡牽強斜廊繚復殿魚脊分背向放目四  
垠寬秋毫入吾望侵雲鐵甕壘崛起無緣傍映日海門  
山不帶滄波上吾雖百石吏平昔有微尚俄得金仙徒  
剪蘿開岫幌誓投桑榆年浮玉翁自況

金山夜集招米芾元章不至作

芳洲擷蘭佩清夜棲寶坊晚風駕飛濤柱石搖長廊微

月逗簷際助我燈燭光黃童天下才疊疊陳與章高歌  
間險語捧腹屢哄堂惜無杯中物可以延楚狂興闌半  
道去浪學山陰王明發吾將還滄波渺相望如何方外  
徒漫仕煩官倉端爾涼秋節白雲來帝鄉

和潘幽老漢上屬目

白雲蒙山頭清川山下流芳洲采香女薄暮漾歸舟並  
蒂雙荷葉逢迎一障羞持情不得語大婦在高樓

鮮于侁

雜興

幽居觀物變天道固虛盈  
炎既日方熾微陰一已生  
涼風動野草桃李先飄零  
蜩蟬集高柳絡緯響空庭  
愁心獨耿耿宵夢竟難成

一氣斡元造為功未嘗煩  
羣生自委化天地復何言  
鳧脛不可增楮葉不可鑄  
欲益固為損勞心非自然  
不見平陽侯醇酒聊終年

新堂夜坐月色皎然由連理亭信步庭中徘徊



久之因為五言一首

秋風動微涼天雨新霽後閒齋獨隱几明月在高柳振  
衣步庭下顚氣入襟袖天空雲漢明隱約辨列宿蒼蒼  
松檜上零露霏欲溜脫葉滿閒園繁華迨衰朽清宵望  
蟾彩宜付一杯酒多病謝尊壘城頭轉寒漏

靈巖

千峰環郡宇二水遶城堞每憐山水佳況復開巖穴川  
流數里近放棹扳截竊靈巖駭神化環蔭數畝闊何人

營佛祠棟宇殆天設前軒瞰溪山眺聽心耳豁徑穿巨  
水下碧玉聳高節涓流瀉石砌玉乳甘且潔其東乃小  
巖洞戶敞深徹嵌巖見石柱任重立精鐵昔人遇真仙  
相攜觀貝闕川平聽雞犬始覺人世別屈曲沿青溪桃  
花正開發塵緣念鄉縣歸思若眩涉寤寐瞬息間巖扉  
已嚴鐫時遷等陵谷事勝存圖牒獨有滄江流青霄鑒  
明月予來秋之季氣象頗淒切草木自變衰山川常活  
潑清暉沃賞識異景差勝絕薄暮上歸舲依然望林樾

王欽臣

均慶寺

中原奠平陸奄徹豫封半鶩勢千里遙茲山屹東向是  
惟衆峰首天與隆左翰蹲形卑附尊據體連復斷突然  
誰積累更欲原剖判或言冢庭堦出此礪壑畔名存標  
舊今彩照彤墀爛神英有餘事巖穴留偉觀一卧雖自  
私光芒倚霄漢空林雲影晦遺廟丹青煥勝覽寄幽人  
金軀燭華館高閣對閭閻清鐘警昏旦揆余負神夢未

立邁憂患懷恩愧餘生于役侵歲晏登臨足悽泣眺迴  
翻冗倦未知向平樂寧思季子官冰霜落青翠曖曖煙  
嵐散迴環認遙嶺極目送征鴈徙倚在蒼崖孤懷增所  
歎

郭祥正

寄題留二君儀田園碁石亭二首

錄一首

盤石發天巧新亭君所營席展瑤琪滑坐久寒陰生遠  
瀑曳脩幔他山列翠屏水田白鷺下霜樹秋猿鳴回首

同安縣殘陽樓觀橫不逢車馬來時愛牛羊經童僕種  
刈畢父老樽壘傾昇平信難偶歡笑聊舒情況攻李杜  
吟字字無淫聲春來成幾章想有碁石銘

聞砧

天潢轉斜白庭菊汎團露紈扇辭玉織雲幄含幽素濕  
螢遞疎牖寒蟬鳴外戶南鄰發砧響涼夕敢虛度不作  
舞衣裳為君理繒絮邊磧多苦寒先秋寄征戍

秋扇

輕素裁團扇投君掌握中為君却煩暑動搖挹涼風一  
朝霜飈至羅幃衾被重辭君且屏跡棄置隨斷蓬物理  
固如此用舍安可窮願君千萬壽執熱還相逢

庭竹

眷此庭中竹羅生橫十尋疎疎挺高節密密敷清陰好  
風每相過流塵誰能侵其下無蔓草其傍遠脩林結根  
自得所非高亦非深誰復采笙簫玉宇思和音

同陳公彥推官登峨眉亭

新亭彼誰構名因翰林揭惟南極空曠朗詠佳興發傾  
蓋忘形骸輒莫歎華髮歸帆天外低度烏雲端沒中原  
崢嶸際天塹限楚越寧知承平來但見山花歇君相方  
聖賢胡為念京闕但窮林泉樂躡屐上嶠崿酒量孰先  
降樽壘未云竭欲尋太白墳草間迷斷碣神交無古今  
清氣來飄忽征轡還催人東峯挂寒月

郎官湖

李白以張謂  
愛湖而名之

張公昔愛湖湖名自公始寥寥三百年逢秋愈清泚移

船菱荇香游魚數鱗尾回望武昌郭樓臺碧天裏石照  
瀉靈光湖波皓如洗此景絕世無愛之心無已緬懷昔  
賢期林表清風起終當歸結網來此養衰鄙

峯頂

登山不辭險探景須窮幽行徹五千仞回首視九州人  
寰莽何處大野蒼煙浮更酌天池泉古意空悠悠

望牛渚有感

遙憐牛渚磯柳帶拖春綠歸思無時闌斷絃聲自續更



聽漁父吟悠揚寫心曲何人效斯人煙波洗雙足

戴氏鹿峯亭二首呈同遊

開亭面鹿峯白鹿每經過忽銜落花去還來卧青莎仙  
者不可見孤峯但嗟我疎篁映秀木好鳥鳴相和飛泉  
灑天窗六月涼氣多賓朋四五輩飲酒朱顏酡瓊琳粲  
明質芝朮芬長哦皆為廊廟器偶會林泉阿磻溪與桐  
廬回旋竟如何却笑晉右軍弄筆憐白鷺

未能騎黃鶴高飛出塵寰且來騎白鹿隱見蒼崖間誰

為鹿峯亭名聞戴氏園仙者去已遠卷簾對青山秀木  
染深塢鳴泉挂危欄春風生綠鬢皓月頽朱顏賓朋合  
簪履昆季芬芝蘭黃鶴安足騎白鹿不須跨但願有濁  
酒長嘯此峯下醉醒醒復醉黃金任高價

讀陶淵明傳

我愛陶淵明超然遺世想一奏無絃琴妙曲寄元響條  
然聽以氣萬籟應諸掌舟車就所便丘壑信孤往泉涓  
木欣欣酌酒助俯仰酣醉頽雲煙舒嘯逸羅網斯人孰

可見夢寐期鬢髮兀如南山松亭亭植千丈

同留二君儀登高明軒

羈客厭卑濕登軒喜高明紅日簷下度白雲窗半生并  
吞山川秀映帶樓殿平舟航濟吳楚笑語落蓬瀛春風  
時一來百鳥相和鳴隔牆酒可沽千金為君傾既絕世  
上趣雅遂林中情勿云暮靄合更待孤蟾升

題淨惠院

方塘水未漲荷芰新展綠游子愜輕衣步與孤雲逐初

臨寺外橋已聽鐘聲肅徐登山後亭蔥蒼翳松竹諸峯  
却羅列龍蛇互奔觸紅綃卷晴霞白雲落孤鷺孑然身  
世忘豈念冠帶束平時謬持節善地甘厚祿更窮泉石  
樂曾未申啓沃何日報君恩堯天漫凝目

池上晚景分得上字

秋風何處來蕭然洗炎瘴時要二子臨池倒嘉釀逢  
辰既升平覽景又清曠寂無人世喧頗覺神魄王雪鷺  
集滄洲金烏沒青嶂悠悠漁笛還漫漫潮聲漲黃蜂立

蓮葉蘋鯉吹萍浪始信莊生言觀魚樂濠上

鳳凰驛

晚泊鳳凰驛得名知謂何鳳凰不可見篁竹空婆娑四  
傍俱石崖一徑縈雲蘿慘慘陰欲雨淙淙澗跳波驛吏  
指英州兩舍皆平坡久寒無瘴癘虛市饒雞鶩我行既  
已遠樂少憂常多過江紅葉舞度嶺黃鸝過時序逼哀  
老羽翰驚網羅一夕得佳處休焉聊獨哦

宿歸宗寺

曠懷王逸少宅地如翔鸞池水至今黑云是墨未乾施  
作金仙宮樓殿排羽翰銀榜留飛鳥玉蜃吐驚湍耶舍  
寶塔近筆插青雲端貝葉五千書兩藏龍鱗蟠鐘磬遞  
虛籟松杉扶歲寒護持不變滅爐煙晝漫漫暫遊寄僧  
榻脩然心界寬愧無警絕草付與蒼崖刊

聽惠守錢承議談羅浮山因以贈之

久憶觀滄海喜君語羅浮浮從會稽來與羅相獻酬誰  
欲通兩山鐵橋跨山頭笙簫響瑤臺佛山棲石樓靈光

燭商舶七星被林幽飛泉難悉名異草香氣柔危峯聚  
白鹿深塢眠青牛葛洪安期生遺蹤尚綢繆攀頂瞰海  
水湛碧纜一甌不見波濤翻颶風駕龍虬又云朱明天  
飄然落遐甌方廣吞五岳盤紆臨十洲不得預封禪自  
起煙雲羞此理固難測勝境輸君遊君語洗吾耳我詩  
瑩君眸羅浮杳何許為我商聲謳

懷友

夕陽在窗戶涼風何處來微風泛庭柯蕭蕭厯空塔抱

琴一寫之冰霜濺孤懷但惜對尊酌而無良友偕聊將  
幽獨思滔滔寄長淮

七月八日要閻公達承議晚酌

河橋散靈鵲曜景逾佳期池華延舒月尚可傾一卮欲  
以邀良賓秋事言淒其歲往豈再得綠髮含霜滋寓意  
不在飲營駕君莫辭

楊蟠

就食



未知田上勞徒厭鼎中味及與農事接方驚食者貴余  
生寡經求念此豈易致况敢懷寸祿平居但羞愧

章惇

紫閣山

我生山水鄉習得山中樂每觀唐人詩夢寐思紫閣欲  
為泰山行常苦道路邈君言舊曾遊使我心踴躍我今  
既西來二子滯天角雲山空在眼詩酒乖侑酢誰題壁  
間詩歲久墨色薄人生定能幾當此感離索積靄浮青

日落日滿巖壑驪龍儼將駕顧我猶淹泊

潘興嗣

師道

師道久不振小儒咸自私破崖求規角務出已新奇  
惻去聖遠六經秦火隳不有傳授學涉獵安所為漢儒  
守一經學者如雲隨承習雖未盡模法有根基薦紳立  
朝廷開口應萬機附對皆據經金石確不移熟爛見本  
末較然非可欺吾願下學宮各立一經師務盡道德業

不取章句辭庶幾昔人風炳然復在茲

逍遙亭

作亭名逍遙此理誠不虛寬于一天下原憲惟桑樞况  
我卜清曠風雨庇有餘方池容潏澗小徑足縈迂花木  
頗窈窕松筠亦扶疎鳴蛙送鼓吹好鳥來笙竽可琴亦  
可詠可飲亦可娛盤雖無下箸賓食亦有魚恢論或申  
旦隱几忘移晷困來展足眠醉倒從人扶率爾但付暢  
因煩而領無鄴侯三萬軸方朔五車書棄置復棄置任

自相賢愚無妨吾逍遙此樂誠何如

楊甲

與客遊滄浪亭得一字

霧回林蒼黃漲落水寒碧西郊好風景曉霽千里色相  
從二三子灑埽溪上石主人信愛客沽酒炊玉粒揮觴  
一再行弄此竹間日跳波醉中舞野唱寒外急牛羊歸  
息息鳧雁來一一頽然寄天放不受世褊迫永懷堂中  
翁回首千歲跡豈無獨往願乃為饑凍逼霜空洞庭野

天闊雲夢澤欲窮扶桑枝尚挂滄海席何當從茲去旦  
暮生羽翼

合江泛舟

莫踏街頭塵寧飲城東水江邊放船去葦間問漁子岸  
深魚有家鳧雁在中止得酒可以歌得樹可以艤年年  
舟中客顏色不相似風波無前期遊者亦如此短篙醉  
時策遠山卧後几老我不奈醒日落西風起

謁朱真人祠

一濯巖下溪再拜巖中庭清風蕭然來吹我衣上腥仙人芙蓉冠乘月下雲駟山空雜珮響靜夜朝百靈寂寥古壇外但見斗與星青山無行跡露雨空冥冥

遊長松寺宿石門僧舍以石門霜露白為韻得

露字

疾風吹輕衣駕我雲脊路人間一回首驚絕不敢顧鳥投虛無底渺渺不知處蜂窠蟻丘垤與世同所驚試看一蒼莽誰有不平慮尚憐野僧屋佛面荒苔蠹斷崖劃

呀吻洶洶崩石怒我來得竒觀拄杖叩巖樹青山有驕  
色斯客不能向平生二三子慰我一相遇娟娟松間月  
幽夕亦可度夜闌更小語風逼遺響去酌君無多酒繼  
以木蘭露

何耕

青羊宮

一再官錦城咫尺望琳宮未始得得來正坐役役中今  
朝弄晴雨策蹇隨春風頗愛意象古停驂小從容縹緲

百尺臺突起凌半空憑欄俯脩竹決皆明孤鴻信哉神  
仙宅不受塵垢蒙稽首五千言衆妙一以通靜觀萬物  
復豈假九轉功區區立訓詁亦哂河上公癡人慕羽化  
心外求鴻濛要騎白鶴背往訪青羊蹤

忘機臺

太虛生微雲機事日夕繁兼忘豈不佳尚有忘者存稽  
首老龐翁妙處希一言請觀臺上月萬古無昭昏

題郭信可隱居雲溪



幽居定何如頗恨未見之主人向我言喜色融雙眉脩  
篁流翠陰寒溪漾清漪領略非一狀幽妍發餘姿空濛  
雨亦佳澌灑晴更竒豈惟二江獨意恐兩蜀稀主人信  
妙士得此固所宜天公閔好景授受各有時豈無多田  
翁偃蹇勢莫隨素交懷老蒲秀句紛珠璣安得招歸來  
為君賦清詩往者不可作後生欲何為

公與蒲大受  
為平生詩友

袁陟

宿簡寂觀

名山崇秘祠終夜得清賞真氣溢空浮流泉隨砌響林

巒片月散殿閣高風行天際斗杓直庭中盤石橫

即陸高真

朝斗之石

逸人今何之故嶺不改秀白鶴唳松梢青燈見崖

竇恍追汗漫駕深悟逍遙言四顧羣動寂真心歸灝元

### 再遊雲居

風吹嶺頭樹似欲招行客緣雲過絕頂復見紫霄宅平  
觀三百里下視八千尺五老鎮相望西岫天與敵可笑  
培塿羣亦自矜寸碧氛埃轉宇宙鴈鴛下川澤危亭據

中峰回抱竦天壁沈沈古帝坐左右列夔稷舉頭河漢  
通直欲攀南極合奏天地籟兩耳清歷歷吁嗟萬類微  
胡為競朝夕安知太清上我方適所適尚思西巘路去  
冬躡雙屐高興挹洪厓大句鼓天力到今巖壑間浩浩  
起金石安得少陵翁物外講新格重來羈紲在欲隱世  
累迫多謝受命松長存歲寒色

御選宋詩卷十三